

## Tutera

## Santanak asteartera bitartean

Tuterako jaien hasiera iragarri zuen altxaferoak asteazkenean egin zuen eztanda

**E**rriberako hiriburuko jaiak izanda, jendetza ugari erakartzen dute Tuterako Santa Ana jaiak. Aurten ere, parrandazaleek ez dute huts egin. Asteazkenean egin zuen eztanda jaien hasiera iragarri zuen altxaferoak Tuteran eta beteta zegoen Foruen plaza. Datorren asteartean *Pobre de mí* abestu baino lehen, bada besta egiteko aukera ugari Tuteran.

Erredakzioa / Iruñea



Santa Anako jaiak asteazkenean hasi eta asteartera bitartean izango dira.

JOXE LACALLE

goizeko 11:30etan, Santa Anaren prozesioa izanen da.

Herritar guztien gusturako ekitaldiak izanen dira gaur, antzerkia haurrentzat eta antzerkia helduagoentzat, alde batetik, arratsaldeko 7:00etan eta gaueko 11:45etan, eta bestetik, jotak gauerdian eta berbena goizaldeko 1:00etatik aurrera.

Asteburuan sartuta, dianek emanen diote hasiera larunbatero egunari, gaiteroen eta txarangen eskutik. Zortzietan entzierroa hasiko da Tuterako kaleetatik eta 10:00etan erraldoi

eta buruhandien konpartsa aterako da kalera. Omenaldientzako lekurik ere izanen da aurtengo jaietan, Margarita Manrique Tuterako amónak jasoko du, hain zuzen San Juan peñak antolatua, eguerdian San Jaime plazan. Arratsaldean haurrentzako zinema egonen da besteak beste, eta gau partean, berriz, zezen-suzkoa, 9:30etan. Jotak eta dantzaldia ere ez dira bihar faltako.

Igande goizean ere, ohi denez, dianak eta entzierroa egonen dira 7:00etan eta 8:00etan. 10:00etan erraldoiak eta buruhandiak ate-

rako dira berriz, eta 11:00etan haurrentzako parkea jarriko dute San Antonen. Haurrentzako ekitaldiak, egunero bezala, ez dira faltako arratsaldean ere, antzerkia eta beste. Gau partean, berriz, zezen-suzkoa eta su festa, eta ondoren jotak eta dantzaldia.

Santa Ana jaietan egonen diren ekitaldietako batzuk besterik ez dira hauek. Astearteko gauerdian *Pobre de mí* abestu aurretik, hain zuzen, oparua da egitaraua: Herri kirolak, pilota partiduak, kafe-kontzertua, gaueko ikuskitunak eta abar. X

## Astiz

## Mendizaleentzat aterbea inauguratu dute herrian

Bestalde, jaiak ospatuko dituzte asteburuan

E. Elizondo / Iruñea

ASTIZKO herriak mendizaleentzat aterbe berria inauguratu zuen joan den asteazkenean, arratsaldeko zazpi eta erdietan. Aspaldiko asmoa zen herriko eskola zaharra izan zenarekin zerbait egitea herrian. Asmo horrekin erosi zuen herritar batek baina ezin izan zuen etxeak eragindako gastuari aurre egin eta bankuen esku gelditu zen. Azkenik, bilerak egiten hasi eta herriak erosi du eskola zaharra. Herriko hiru gaztek, berriz, alokairuan hartu dute aterbea aurrera eramateko. Aterbe ezezik, taberna eta jatetxea ere baditu eraikuntza berriak. Osotara,

20 milioiko inbertsioa egin behar izan du Astizteko eskola zaharra erosi eta berritzeko.

Aterbea inauguratu ezezik, asteburu honetan, gaur, bihar eta igandean, herriko bestak ospatzen dituzte Astitzen. Bertso afaria egiten dute gaur Zerberio eta Mañukortarekin, arratsaldeko zorztietan suzuria piztu ondoren. Bihar, berriz, puska biltzen ibiliko dira goizean, eta arratsaldez, mus txapelketa egiten dute. Dantza ondoren. Igandean meza ospatuko dute, eta ondoren, herri kirolak izanen dira plazan. Egun osoan zehar, gainera, trikitilariak alaituko dute giroa. Gau partean, bukatzeko, dantzaldia izanen da. X

## Lakuntza

## Sakanako Turismo Gida argitaratu berri dute

Lakuntzako herrian egin zuten aurkezpena

Erredakzioa / Iruñea

MIGUEL ANGEL ZUBIRIA Sakanako Mankomunitateko lehendakariak eta Nafarroako Gobernuako hainbat kidek Sakanako Turismo Gida aurkeztu zuten lakuntzan joan den asteazkenean. Argitalpen honen bidez, bailaran egin diren proiektuen berri eman nahi dute bultzatzaileek, eta era berean, etorkizunean egin daitezkeen ekimenak azaldu.

Argitalpena sei atal ezberdinetan banatzen da eta Sakanako eta inguruetako mapak ere agertzen dira. Horietan, mendikateak, herriak eta eskualdeko morfologia daude ikusgai. Sakana bisitatzeko gonbitea

luzatu ezezik, turismo eta zerbitzu orokorren gida jasotzen du argitarapen berri honek. Ostatu, jatetxe, artisau, ekimen, banketxe, botika eta abarren informazioa eskuratu daiteke bertan. Sakanan egin daitezkeen hiru ibilaldi ere proposatzen ditu gidak: Arakilen, Aranatzan eta Burundan. Gidaren azken atal batean, bestalde, natura, ohitura, historia, artea eta kulturari buruzko datu interesgarriak azaltzen dira.

Gidaren egileen artean Guaixe Sakanako aldizkariaren ize-na agertzen da. Izan ere, argitalpen honetako erredakzio taldearen ardura izan da Sakanako Turismo Gidaren itzulpena eta maketazioa egitea. X

## Gares

## Santiagoren omenezko jaiak abian dira

Asteazkenean egin zuen eztanda altxaferoak

Erredakzioa / Iruñea

NAFARROAKO beste hainbat herritan bezala, jaiak hasi dira aste honetan Garestik datorkigun berria. Garesen, zehazki, asteazkeneko arratsaldeko ordu batetan piztu zuen Julian Erro zinegotziak besten hasiera iragarri zuen altxaferoak. Orduz geroztik, jaiak da nagusi Garesko bazterretan. Herriko plaza lepo eginda zegoen suzuria zeruratu zenean eta erraldoi eta buruhandien konpartsa ki-deak ere han ziren, gaitero eta txarangekin batera.

Aurtengo jaiak ez dute berrikuntza handirik ekarriko. Aldaketa txiki bat, hala ere izanen da. Herriko txikienek, adibidez, pozik izateko arrazoiak badituzte, astelehenean, hain zuzen, beraien-tzako rokodromoa jarriko baitute Su artifizialei dagokien ere, izanen da berrikuntzarik, ohiko etxearen ordez, A. Caballer pirotekniak presatutako baititu aurtengo su festak.

Behien entzierroa, bestalde, ez da mendian zehar egiten beste urte batzuetan bezala, kale Nagusian barrena baizik.

Gainontzekoari dagokionez, betiko jaiak gozatzeko aukera izanen dute garestarrek egun hauetan. X

## Puiu

## Besta egunak iritsi dira urtero legez herrira

Haur eta helduentzat egitarau zabala

Erredakzioa / Iruñea

PUIUN ere Santiago jaiak. Beste hainbat lekutan bezala asteazkenean hasi ziren bestak Puiun, herritar guztien poza altxaferoarekin batera lehertaraziz. Urtero, legez, Santiago ermitara prozesioa egin zuten Udaletzeko kideek asteazkenean bertan, gaueko 9.30etan eta ondoren, urtetako ohiturari jarraikiz, sua piztu zuten kalejirari hasiera emanez. Zezen suzkoa ere ez zen lehen egunean falta.

Baina bada horretaz gain oraindik besta egiteko hainbat aukera. Gaurko egunean, herriko haur eta gazteak izanen dira protagonista eta eurentzat izanen dira programako ekitaldi gehienak. Lehiaketak eta jokoak izanen dira nagusi goiz eta arratsaldez. Bihar, berriz, ezkonduen eguna izanen da Puiun eta herri bazkaria egiten dute. X